

Iroun Beretitenti Henry B. Eyring

Moan Kauntira n te Moan Beretitentii



# Irianaki n te Raoiroi

**A**na burabeti te Atua iaon te aba, Beretitenti Thomas S. Monson, e kabwarabwara, "N te bong aei, ti maeka ni kaitara mwaitin kakaokoron te bure, iowawa, ao te buakaka ake a bootaki n tetaina imatara."<sup>1</sup>

Ko na mimii n reiakinna bwa e taekin taeka akanne Beretitenti Monson 50 te ririki n nako? Ngkana ti maeka ni kaitaraaki ma ana kairoro te buakaka are n te tai anne a korakora riki nakon ae n tetaina, a na mwaitira riki ana mwakuri te buakaka are e na kakamaakuira ngkai? Ni bukina ae raoiroi, e katanoata te Uea ni kaineti ma ara bong bwa e a ikotaki ara kairiribai (taraa D&C 38:12).

Te buaka "are ti kaainna"<sup>2</sup> e moanaki imwaain are ti buangiaki nakon te aonaaba. E moanaki naba imwaain karikan te aonaaba. E moanaki ngaa n ririki n nako n te maiu are imwaain aei, ike Tatan e kaitara ao n ukoukora uruakan inaomataia aomata (taraa Moses 4:3).

E konaaki Tatan n te buaka ao "e teweaki nako aon te aonaaba" (Te Kaotioti 12:9), ike e reitanako ana buaka n te bong aei. Ikai n te aonaaba e karaoa te buaka ma ana aomata te Atua aika itiaki, ao ni katobibii (taraa D&C 76:29) ma te kewe, kamwamwane, ao kariiri.

E buaka ni kaitaraia burabeti ao abotoro. E buaka ni kaitaraa tuan te itiaki ao tabun te mare. E buaka ni kaitara te utu ao te tembora. E buaka ni kaitara te bwai ae raoiroi, ae tabu, ao n mimitong.

Ti na kanga ni buakana ara kairiribai? Ti na kanga ni buakana te buakaka are e na taraa ni konaa ara aonaaba? Tera otangara? Antai taan boutokaira?

## Mwakan te Tiibu te Teei

E reirei te Burabe ti Iotebwa Timiti bwa Tatan iai mwaakana iaora tii ni kanrabakauna ngkana ti kariaia ni karekea mwaakana.<sup>3</sup>

N noorakin ara bong, Nibwaai "I a noora korakoran mwaakan Ana Tiibu te Teei te Atua, ae e ruo nako aoi aika a itiaki aika kain ana ekaretia te Tiibu te Teei, ma iaoia ana aomata inanon te berita ae tabu te Uea, ake a maenako nako aon te aonaaba; ao *a irianaki n te raoiroi ma mwaakan te Atua ao te mimitong ae korakora*" (1 Nibwaai 14:14); e kariaki ma katuruturuana).

Ti na kanga n irianira ma te raoiroi ao te mwaaka? Ti na kawakina te bong ae te Tabati n tabuia ao ni karinea te nakoanibonga. Ti karaoi ao ni kawakin berita aika tabu, ni mwakuria rongorongan ara utu, ao n nanako n te tembora. Ti reitinako n nanomatoa n rairi nanora ao ni butia te Uea ni "kamauira n raraan Kristo ni kabwara bure bwa ti aonga ni karekea kabwaran ara bure" (Motiaeae 4:2 Ti tataro ao ni beku ao ni kakoaua ao ni kamwakura ara onimaki iroun Iesu Kristo).

Ti irianira naba n te raoiroi ao te mwaaka ngkana ti reitinako ni kawakina te bwai ae rangin ni kakaawaki inanora ao n ara iango ibukin kawakinaia ao kabonganakiia nakon taai aika ana roko, n aron are kawakinan bwaai tabeua aika kakaawaki aika ana karekea te maiu are akeea tokina (taraa D&C 84:85). Ti tarai taeka aikanne bwa a kakawaki man kamatebwaiakan booki aika tabu ao aia taeka naake e a tia te Uea n rineia bwa Ana toro, ake a ana kabwarabwara Ana kantaninga, nanona, ao bwanaana (taraa D&C 68:4) n te maungatabu ni kabuta n te namwakina are imwiina.

N ara buaka ni kaitara te buakaka, ti riai n ururingng a taainako bwa ti karekea buokara mairouia aomata ikai n te maiu ae mamate ao i karawa. Taan boutokaira a raonaki ma te Atua te Tama ae Akeea Tokina, te Uea Iesu Kristo, ao te Tamnei ae Raoroi.

Taan boutokaira n raonaki ma naake a aki kona n

nooraki irouia angii aomata ma tanganibuaka i karawa . “Tai maku,” Eritai e tuanga te ataeinimwaane ae mamaaku ngkai a kaitara te tanganibuaka ae buakaka, “ba a maiti riki aika mena i roura nakoia ake a mena i rouia” (taraa 2 Uea 6:15–16).

Ti aki riai ni maaku. E tangiriia Ana aomata te Atua. E na bon aki kakeaia ana aomata te Atua.

I ataia bwa te Atua, ni kaekaan au tataro, e a ti a ni kaekai au bubuti ni kamaiuai man te buakaka. I kakoaua bwa man aia ibuobuoki te Atua te Tama, te Tia Kamaiua te aonaaba, ao te Tamnei ae Raioiroi, ti kona ni kakoaua bwa ti na anganaki riki te mwaaka ae bon tau ni kaitarai nako ana kairoro te buakaka ake ti kaitarai.

Au kantaninga bwa ti na irianaki n tainako n te raoiroi bwa ti aonga n namakina te aki nanokokoraki bwa n tokina ti na tokanikai.

#### BWAII AIKA A NA TARAARI

1. Thomas S. Monson, “Correlation Brings Blessings,” *Relief Society Magazine*, Eberi. 1967, 247.
2. “We Are All Enlisted,” *Kuna n taromauri*, nambwa 250.
3. Taraa *Reirei mairouia Beretitenti n te Ekaretia: Iotebwa Timiti* (2007), 214.

#### REIREI MAN TE RONGORONGO AEI

E kauringiira Beretitenti Eyring bwa ti na karaoa te buaka ni kaitara te buakaka. Ko kona ni moanna n anenea “We Are All Enlisted” (*Kuna n taromauri*, nambwa. 250) ma naake ko reireiniia. Ngkanne ko na bae ni kaoia bwa a na tibwauaia bwa a kanga ni kamanoaki rinanon te raoiroi ao iangoan kawai aika kakaokoro ni kamanoia aia utu ni kaitara Tatan, n aron rinean kaongora aika raraoi, ni karaoa te marooro n utu, ke karaaoan te bootaki n utu n te tairiki ni katoa wiiki. Ko na bae ni kaoia bwa a na iangoia raoi ma te nano n tatato bwa a na kanga ni kakorakora katan tamneia aia utu ao ni kaungaia bwa a na karaoa aia babaire ni kabonganai aia iango.

#### KAIRAKE

#### I A Kaman Tia Ni Baireia

Iroun Madison Thompson

**N**tetaina I karekea te reirei ae kakawaki n tain aia kiraati Ataeinnaine iaon te itiaki man te wenenibure—atuu te reirei are aikoa rau iai ataeinnaine n te kiraati. I aki uringa bwaai ni kabane n te bong anne, ma I uringa au tia kairiiri n aia bootaki ataeinnaine ni maroroakina taekan teuana mai buakon ana kainibaire—n teimatoa n taainako n itiaki man te wenenibure. I uring ana taeka (iaon te itiaki man te weneibure),

ao ngkanne I a karaoa au babaire ma te karaurau ni karaoa bwa teuana mai buakon au kainibaire.

Te bong teuana ngke I tokia n te bwati ae onrake irouia ataein te reirei ke taan takakaro aika kairake man te kaboo n takakaro, temanna iaon te bwati e wakina te takakaro are e riai te aomata n tuanga te kurubu taekan te bwai teuana ae koaua ke ni karaoa te bwai teuana ae tuangaki iroun te kurubu are e na kona ni kakamaaku ke ni ka mama. Ibukina bwa ti botu, Ngai ma tabeman ataei ti kaaina te marooro. Ngke e a roko n au tai (n taekina te koaua ke ni karaoa te bwai teuana ae ka ninikoria ke ni kararaoma) I tuangaki bwa N na aki karaoa te bwai ae I ataia bwa e aki eti. E na kona n riki aei bwa te babaire ae matoatoa ibukiu bwa n na karaoa, ma ana taeka au tia kariiri n te Bootaki n Ataeinnaine a roko n au iango, ao e a bebeete te rinerine. I waekoa n rinea bwa n na aki iria. I a kaman tia n iangoia imwain taina bwa N na karaoa n arona anne.

I ataia bwa ngkana ti nako n taromauri ao ni kekeia-ki ni kamatebwai bwaai ake ti reireinaki iai ikekei, ti na kakabwaiaki ma te korakora n te tamnei ao te kawaki-naki man kariirin bwain te aonaaba.

*E maeka te tia korokarako i Utah, USA.*

#### ATAEI

#### Karin Ami Bwai Ni Buaka

I ai bwaai aika mwaii aika buakaka n te aonaaba n te bong aei. Te euangkerio kanga ai aron te otanga are e kamanoira. Wareki 10 bwaai are e tuangiira Beretitenti Eyring bwa ti na karaoi bwa ti na kamanoaki. Ngkanne korea ao karana oin am otanga!

1. Kawakina te bong ae te Tabati n tabuia
2. Karinea te nakoanibonga
3. Karaoi ao kawakin berita aika tabu
4. Mwakuri iaon rongorongan te utu.
5. Naako nakon n te tembora.
6. Raira nanom
7. Tataro
8. Beku ibukiia tabeman.
9. Tibwaua am kakoaua
10. Wareki booki aika tabu



# Korakoran Mwaakan lesu ao Ana Mwakuri ni Kamaiu

Tataromwaaka ni kamatebwiaia te bwai n reirei aei ao ukoukora ibukin te kairi mai ieta ni kan ataia bwa tera ae ko na tibwauaia. E kanga ataakin te kantaninga n te Bootaki n Aine ni katauraoia natin te Atua aine ibukin kakabwaia n te maiu ae akea tokina?

**Onimaki Utu Buoka**

“ boni konai bwaai ni kabane ni karaoi iroun Teuare kakorako-raai” (I-Biribi 4:13). “E ngae ngke bane n iai mamaarara, ti kona n tokanikai iaoia,” e taku Beretitenti Dieter F. Uchtdorf, te Kauoman ni Kauntira n te Moan Beretitentii. “Ni koauana, bon man a na akoi te Atua are, ngkana ti nanorinano ao man onimaki, ao a kona ni kakorakoraa-ki mamaaraia.”<sup>1</sup>

E taku ara Tia Kamaiu n te Doctrine ao Covenants bwa E na nako n rimoara. E na mena i angataira ao i angamaingira, ao E na mena tamneina inanora, ao Ana katobibiira Ana anera, ni uotira rake (taraa D&C 84:88).

“Nibwaai bon te katooto temanna are e ataia, e oota, ao ni katan iaon mwaakan te Tia Kamaiu,” e taku Unimwaane David A. Bednar man te Kooram n Abotoro ake Tengaun ma Uoman. “Tarin Nibwaai ake a ikawai a kabaea n taian roobu ao a

bairea tiringakina. Taiaoka taraa ana tataro Nibwaai: ‘O te Uea, ni kaineti ma aron onimakinam irou, ko kona ni kamaiuia mai nanon baia tariu; eng, ao n *anganai te korakora bwa Iaonga ni kona ni motiki kabaebae* aika I kabaeaki iai’ (1 Nibwaai 7:17; e kairaki ma katuruturuana).

“ . . . E aki tataro Nibwaai bwa e na bitaki ana kaangaanga. Ma, e tataro ibukin te korakora bwa e na bitaki ana kaangaanga. Ao I kakaua bwa e tataro raoi n te aro aei ibukina e ataia, e oota, ao n tia n rinanon mwaakan te Mwakuri ni Kamaiu.

“I aki iangoia bwa te roobu are e kabaeaki iai Nibwaai tao e a bon kounako naba ni karina mai baina ao tounbaina. Ma, I iangoia bwa e kakabwaiaki ma te nanomatoa ao te korakora ae onoti are e riaon ana taneiai n ana konabwai, bwa ngkanne ‘ni korakoran te Uea’ (Motiaeia 9:17) e mwakuri ao e minota ao e

kamatoa ni katiki taian roobu, ao n te kabane ao ni koauana e kona n urui kabaebae.”<sup>2</sup>

## **Booki aika Tabu ao Rongorongo Riki Tabeua**

Itaia 41:10; Ita 12:27;  
[reliefsociety.lds.org](http://reliefsociety.lds.org)

### **BWAAI AIKA A NA TARAAKI.**

1. Dieter F. Uchtdorf, “The Gift of Grace,” *Riaona*, Meei 2015, 108.
2. David A. Bednar, “Strength beyond Our Own,” *New Era*, Maati. 2015, 4.

### ***Iangoa Aio***

E kanga mwaakan lesu Kristo ma Ana karea ni kamaiu ni buokiira ni kakorakorai mamaarara.”